

清·阿克當阿修
姚文田等纂

嘉慶重修
揚州府志

下

廣陵書社

嘉慶
重修

下

揚州府志

清·阿克當阿 修
姚文田等

廣陵書社

江苏工业学院图书馆
藏书章

圖書在版編目(CIP)數據

嘉慶重修揚州府志 / (清)阿克當阿修; (清)姚文田等纂. —影印本. —揚州:廣陵書社, 2006.12
ISBN 978-7-80694-182-9

I. 嘉... II. ①阿...②姚... III. 揚州市—地方志—清代 IV. K295.33

中國版本圖書館 CIP 數據核字 (2006) 第 148045 號

書名	嘉慶重修揚州府志
著者	(清)阿克當阿 (清)姚文田
責任編輯	王志娟
出版發行	廣陵書社
	揚州市文昌西路雙博館附二樓 郵編 225012
	http://www.yzglpub.com E-mail yzglss@163.com
印刷	金壇市古籍印刷廠
開本	787 × 1092 毫米 1/16
印張	90.125
版次	2006 年 12 月第 1 版第 1 次印刷
標準書號	ISBN 978-7-80694-182-9/K·85
定價	380.00 圓 (全 2 冊)

廣陵書社版圖書如印裝錯誤可與出版社聯繫調換

嘉慶重修揚州府志目錄

上冊

卷首

序 凡例 職名 目錄 輿圖 一

卷之一

巡幸一 三一

卷之二

巡幸二 四五

卷之三

巡幸三 五六

卷之四

巡幸四 七五

卷之五

沿革 八七

卷之六

星野 一二二

卷之七

疆域 一二六

卷之八

山川 一二二

卷之九

河渠一 一四九

卷之十

河渠二 一七〇

卷之十一

河渠三 一八六

卷之十二

河渠四 二一〇

卷之十三

河渠五 二三〇

卷之十四

河渠六 二三九

卷之十五

城池 二六三

卷之十六

都里 二七七

卷之十七

津梁 二九二

卷之十八

公署 三〇〇

卷之十九

學校 三二一

卷之二十

賦役 三三五

卷之二十一

鹽法 三六一

卷之二十二

兵志一 三六五

卷之二十三

兵志二 三七七

卷之二十四

兵志三 三九一

卷之二十五

祠祀一 四〇〇

卷之二十六

祠祀二 四二三

卷之二十七

冢墓 四四〇

卷之二十八

寺觀一 四四八

卷之二十九

寺觀二 四六三

卷之三十

古蹟一 四七四

卷之三十一

古蹟二 四九六

卷之三十二

古蹟三 五二八

卷之三十三

古蹟四 五四二

卷之三十四

古蹟五 五六一

卷之三十五

秩官一 五八〇

卷之三十六

秩官二 五九九

卷之三十七

秩官三 六二五

卷之三十八

秩官四 六六〇

卷之三十九	選舉一	六八三
卷之四十	選舉二	六九八
卷之四十一	選舉三	七二二
卷之四十二	選舉四	七二八
下冊		
卷之四十三	宦蹟一	七三七
卷之四十四	宦蹟二	七六四
卷之四十五	宦蹟三	七九一
卷之四十六	人物一	八〇四
卷之四十七	人物二	八四六
卷之四十八		

人物三	八八七
卷之四十九	
人物四	九一八
卷之五十	
人物五	九四五
卷之五十一	
人物六	九六七
卷之五十二	
人物七	九九九
卷之五十三	
人物八	一〇二一
卷之五十四	
人物九	一〇四三
卷之五十五	
人物十	一〇六九
卷之五十六	
人物十一	一〇八七
卷之五十七	
人物十二	一一一二
卷之五十八	

人物十三	一二二三	事略四	一三三〇
卷之五十九		卷之六十九	
人物十四	一二四三	事略五	一三四八
卷之六十		卷之七十	
風俗一	一二七〇	事略六	一三六九
卷之六十一		卷之七十一	
物產	一二七七	雜志一	一三八二
卷之六十二		卷之七十二	
藝文一	一二九四	雜志二	一四〇六
卷之六十三			
藝文二	一二二三		
卷之六十四			
金石	一二五〇		
卷之六十五			
事略一	一二五八		
卷之六十六			
事略二	一二八二		
卷之六十七			
事略三	一三〇六		
卷之六十八			

重修揚州府志卷之四十三

宦蹟志一

漢

鄭當時字莊陳人武帝立為江都相至九卿為大農令
以事陷罪頃之守長史為汝南太守廉內行修絮及卒
家無餘財史記一百二十

董仲舒廣川人武帝即位以賢良對策為江都相事易
王王帝兄素驍好勇仲舒以禮誼匡正王敬重焉久之
王問仲舒曰粵王句踐與大夫泄庸種蠡謀伐吳滅之
孔子稱殷有三仁寡人亦以為粵有三仁仲舒對曰粵

重修揚州府志

卷之四十三

宦蹟一

一

本無一仁夫仁者正其誼不謀其利明其道不計其功
是以仲尼之門五尺之童羞稱五霸為其先詐力後仁
誼也王曰善仲舒治國以春秋災異推陰陽所以錯行
故求雨閉諸陽縱諸陰其止雨反是行之一國未嘗不
得所欲漢書五十六

馬稜字伯威章和元年遷廣陵太守時穀貴民饑奏罷
鹽官以利百姓賑貧羸薄賦稅興復陂湖溉田二萬餘
頃吏民刻石頌之後漢書五十四 稜扶風茂陵人具馬援傳 東觀記曰稜在廣陵蝗蟲入江海化為魚蝦與復陂湖歲增租十餘萬斛見本傳注

陸稠字伯胤為廣陵太守姦吏斂手廣陵諺曰解結理

煩我國陸君太平御覽四百九十六引吳錄 案稠產續子會稽吳人見後漢書獨行傳

張綱字文紀漢安元年遣八使巡行風俗綱年少官次

最微餘人受命之部綱獨理車輪於洛陽都亭曰豺狼

當路安問狐獵遂奏大將軍龔河陽尹不疑十五事京

師震竦時廣陵賊張嬰等眾數萬人寇亂揚徐間積十

餘年不能討冀乃諷尚書以綱為廣陵太守因欲以事

中之綱單車之職將吏卒十餘人徑造嬰壘示利害嬰

深感悟明日率所部與妻子面縛歸降綱散遣部眾任

從所之親為卜居宅相山疇人情悅服在郡一年卒百

姓老幼相攜赴哀者不可勝數自被疾吏人咸為祠祀

重修揚州府志

卷之四十三

宦蹟一

二

祈福皆言千秋萬歲何時復見此君嬰等五百餘人制
服行喪送到健為負土成墳詔拜綱子續為郎中賜錢
百萬後漢書八十六 案綱健為武陽人具張皓傳舊志作蜀健為人考郡國志蜀健為各自為郡合稱誤 嘉靖志云綱在廣陵於東陵村開渠引大石湖水灌利農田至今呼張公渠

謝弼字輔宣東郡武陽人中直方正為鄉邑宗師建寧

三年詔舉有道弼與東海陳敦元菟公孫度俱對策除

郎中出為廣陵府丞去官歸家後漢書八十七 謝承書曰弼字輔宣東郡濮陽人與此不同見本傳注

荀曇字元智為廣陵太守正身疾惡志除閹宦其支黨

賓客有在郡者纖罪必誅後漢書九十二 案曇鎮川縣陰人具荀淑傳

趙苞字威豪甘陵東武城人初仕州郡舉孝廉再遷廣陵令視事三年政教清明郡表其狀遷遼西太守後漢書

趙昱高潔廉正抱禮而立清英儼恪莫于其志旌善以

興化彈邪以矯俗徐州牧陶謙舉茂才遷廣陵太守賊

管融從臨淮見討迸入郡界昱將兵拒戰敗績見害三國志

志人陶謙傳注引謝承漢書又王朗傳云朗與昱說

謙曰求諸侯莫如勤王謙乃遣昱奉章至長安天子嘉

其意拜謙安東將軍以昱為廣陵太守案昱字元達

取邪人具後漢書陶謙傳又云管融走廣陵太守趙昱

待以賓禮融利廣陵貨貨遂乘酒醉殺昱放兵大掠與此不同

陳登字元龍為廣陵太守明審賞罰威信宣布海賊薛

州之羣萬有餘戶束手歸命未及期年功化已就遷東

城太守廣陵吏民佩其恩德共拔郡隨登老弱襁負而

追之事見三國志七呂布傳及注引先賢行狀案登

郡時以休暇行城之西二十里清源為塘萬曆志云登在

縣浸田疇用獲豐稔民名其陂曰愛敬陂

張冀字仲宗豫章人為廣陵太守舉孝子吳奉為孝廉

奉齋金為禮冀閉門不受奉以囊盛金夜投冀園中而

逝冀追不及齋金至廣陵還奉唐類函六十六引謝承

張冀不知何時人今次漢末又舊志有鄒陽枚乘張

超今並詳事畧志

三國

孫韶字公禮本姓俞吳人為廣陵太守善養士卒得其

死力常以警疆場遠斥埃為務先知動靜而為之備故

鮮有負敗青徐汝沛頗來歸附淮南濱江屯候皆徹兵

遠徙徐泗江淮之地不居者各數百里三國志

晉

卞壺字望之濟陰宛句人弱冠有名譽永嘉中依徐州

刺史裴盾盾以壺行廣陵相累拜光祿大夫加散騎常

侍蘇峻稱兵燒宮寺壺力疾率眾苦戰死之二子珍盱

同時見害贈侍中驍騎將軍開府儀同三司諡忠貞晉書

襄陽府志卷之四十三官蹟一四

袁瓌字山甫陳郡陽夏人與弟猷奉母避亂求為江淮

閒縣拜呂令轉江都中興時為鎮南將軍自解還都蘇

峻之難與王舒共起義兵封長合鄉侯晉書八十三

瓌為呂令復相繼為江都見本卷舊志秩官表瓌諱作瓌

孔衍字舒元魯人孔子二十二世孫避地江東經學深

博練識舊典元明二帝並親愛之王敦出衍為廣陵郡

鄰接西賊教誘後進不以戎務廢業石勒嘗騎至山陽

敕其黨以衍儒雅士不得妄入郡境晉書九

徐寧東海鄉人少知名為輿縣令廷尉桓彝去職至廣

陵

陵遇風停浦中累日憂悒因上岸見一室宇有似解署訪之云是輿縣葬乃造之寧清惠博涉相遇欣然因畱數夕葬大賞之結交而別至都謂庾亮曰吾為卿得一佳吏部郎即遷吏部郎左將軍江州刺史晉書七十四至都謂亮曰人所應有不必有人所應無不必無徐寧

褚裒字季野少簡貴有盛名桓彝謝安雅重之蘇峻構逆裒鑒以裒為參軍峻平封都鄉亭侯康帝時為左將軍兖州刺史後除征討大都督青揚徐兗豫五州諸軍事晉書九十三案裒河

荀羨字令則為征北將軍褚裒長史除北中郎將徐州刺史監徐兗二州揚州之晉陵諸軍事假節羨在事有能名故居以重任羨至鎮發二州兵使參軍鄭襲戍淮陰尋北鎮淮陰屯田於東陽之石龍尋加監青州諸軍事又領兖州刺史晉書七十五案羨穎

王舒字處明褚裒鎮廣陵以舒為車騎司馬領領望府成稱明練裒薨遂代裒鎮除北中郎將監青徐二州軍事晉書七十六案舒琅

王坦之字文度桓溫薨與謝安共輔幼主遷中書令領丹陽尹授都督徐兗青三州諸軍事北中郎將徐兗二

州刺史鎮廣陵卒臨終與謝安相冲書言不及私惟憂國家之事朝野甚痛惜之晉書七十五案坦之

謝安字安石累拜侍中都督揚豫徐兗青五州幽州之燕國諸軍事持堅壚盛壚場多虞安遣弟石及兄子元等應機征討所在克捷封建昌縣公進拜太保會稽王

道子專權安山鎮廣陵之步邱築壘曰新城以避之又築堞於城北後人追思之名為召伯堞晉書七十九人具謝鮑傳

毛璩字叔連為鎮北將軍護王恬司馬海陵縣界地名青蒲四面湖澤皆是拔封逃亡所聚威令不能及璩建

議率千人討之時大旱璩因放火拔封盡然亡戶窘迫悉出詣璩自首近有萬戶皆以補兵朝廷嘉之晉書八案璩榮陽陽武

蔡濟為輿縣令時大旱濟乃剗臂然香率眾懇禱甘澍隨降一邑霑足萬曆江

蔡濟不知何時人今次晉末又舊志有祁鑒謝元今並詳事畧志又有江都令周玘平石冰之亂考惠帝紀云揚州秀才周玘又玘傳云舉秀才除議郎無令江都事今亦移入事畧

宋

卷之四十三 宣讀一

七三九

陸子眞元嘉中爲海陵太守時中書舍人秋當親幸家在海陵假還葬父子眞不與相聞當請發民治橋又以

妨農不許彭城王義康聞而賞焉南齊書四十六案子眞吳郡吳人具陸

慧曉傳又案秋當宋書本傳亦同惟宋書張茂度傳作秋當未知孰是

劉義慶元嘉十七年都督南兖徐兗青冀幽六州諸軍

事南兖州刺史性簡素寡嗜欲愛好文義才調雖不多然足爲宗室之表受任歷藩無浮淫之過招聚文學之

士近遠必至宋書五十一案義慶宋宗室具劉道規傳

徐湛之字孝源東海鄉人元嘉二十四年爲前軍將軍

南兖州刺史善於爲政威惠並行廣陵城舊有高樓湛

重修揚州府志卷之四十三宣統一七

之更加修整南望鍾山城北有陂澤水物豐盛湛之更

起風亭月觀吹臺琴室果竹繁茂花藥成行招集文士

盡游玩之適一時之盛也宋書七十一

張岱字景山吳郡吳人臨海王爲廣州豫章王爲揚州

晉安王爲南兖州岱歷三府諮議三王行事與典籤主

帥共事事舉而情得或謂岱云何致此岱曰古人言一

心可事百君我爲政端平待物以禮悔吝之事無由而

及明闇短長更是才用之多少耳入爲黃門郎還驛騎

長史領廣陵太守南齊書三十二

劉善明泰始時爲海陵太守郡境邊海無樹木善明課

人種榆榿雜果遂獲其利南史四十九案善明平原人具劉懷珍傳

蕭映字宣光齊高帝子仕宋位南兖州刺史留心吏事

自下莫不肅然令行禁止南史四十三

舊志有沈慶之賀弼今並詳事畧志

南齊

蕭子良字雲英武帝子封竟陵郡王南徐州刺史加都

督永明二年爲護軍將軍兼司徒四年進軍騎將軍子

良少有清尚禮才好士居不疑之地傾意賓客天下才

學皆游集焉是時上新視政水旱不時子良密請原除

逋租又陳寬刑息役輕賦省徭並陳泉鑄成遠類多翦

鑿公家所受必須輪郭小人每嬰困苦且錢布相半爲

制承久或間長宰須令輪直進違舊科退容茲利五年

正位司徒徒給班劍二十人南史四十四案齊書本傳

持節都督南徐兗二州諸軍事鎮北將軍南徐州刺史

永明元年徙爲侍中都督南兖徐青冀五州征北將

軍南兖州刺史持節如故南史

文不備以齊書文太繁故錄此

顧憲之字士思性清直行南豫南兖二州事籤典諮事

未嘗與色動遵法制歷黃門吏部郎南齊書四十六案憲之吳郡人具

陸慧曉傳南史本傳云憲之累經宰郡資無僧石及歸環堵不免饑寒

裴昭明河東聞喜人少傳儒史之業建武初爲廣陵太

守明帝以無所啟奏代還責之昭明日臣不欲競執閭

鍵故耳昭明歷郡皆有勤績常謂人曰人生何事須聚畜一身之外亦復何須子孫若不才我聚彼散若能自立則不如一經故終身不治產業

南齊書五十三

沈憲字彥璋吳興武康人少有幹局長於吏事居官有績爲晉安王後軍長史廣陵太守西陽王子明代爲南兖州憲仍舊爲冠軍長史太守如故頒行州府事當世稱爲良吏

南齊書五十三

陸慧曉字叔明吳郡吳人清介正立不雜交游張緒稱之曰江東裴樂也爲南兖州刺史卒贈太常

南史四十八

梁

重修梁書

卷之四十三

宣讀一

九

蕭景字子照梁武帝從弟武帝起兵以景行南兖州事時天下未定河北僞楚各據塢壁景示以威信渠帥相率面縛請罪旬日境內皆平武帝踐阼封吳平縣侯南兖州刺史加都督景居州清恪有威裁明解吏職文案無擁下不敢欺吏人敬畏如神會年荒計口振恤又爲餽粥於路以賦之死者給棺具人甚賴焉

南史五十一

蕭憺字僧達太祖子爲荊州刺史封始興郡王徵還朝民爲之歌曰始興王民之爹赴人急如水火何時復來乳哺我尋出爲使持節散騎常侍都督南北兖徐青冀五州諸軍事鎮北將軍南兖州刺史

梁書二

蕭業字靜曠歷位侍中都督南兖州刺史運私邸米僦

人作戲以砌城武帝善之性敦篤所在留意

舊從梁書作惠普

通四年爲侍中金紫光祿大夫

南史五十一

案業梁宗室具本卷梁書武帝紀作深業蓋本名淵業以避唐諱或有或改也

蕭藻字靖藝少立名行志操清潔天監十二年使持節

都督南兖徐青冀五州諸軍事民吏稱之推善下人

常如弗及

梁書二十三

案藻蕭梁弟武帝紀作深藻

蕭績字世謹武帝子天監十七年爲都督南兖州刺史在州以善政稱尋有詔徵還百姓曹樂等三百七十八

詣闕上表稱績尤異一十五條乞畱州任優詔許之

南史

重修梁書

卷之四十三

宣讀一

十

五十三 案梁書本傳曹樂作曹嘉樂

舊志有霍僞祖皓今並詳事畧志

北齊

辛術字懷哲武定八年侯景叛除東南道行臺尚書封

江夏縣男與高岳等破景擒蕭明遷東徐州刺史爲淮

南經畧使及王僧辯破景術招攜安撫相繼款附前後

二十餘州於是移鎮廣陵尋徵爲殿中尚書術清儉寡

嗜慾勤於所職未嘗暫懈臨軍以威嚴牧人有惠政少

愛文史晚更修學雖在戎旅手不釋卷

北齊書三十八

案術隴西狄

道人見北史辛雄傳

隋

張翼字士鴻河間鄭人晉王廣為揚州總管授翼司馬性和厚有識度甚有當時譽後拜冀州刺史吏民悅服稱爲良二千石

隋書四十六

薛瑯清貞孤介不交流俗開皇中爲侍御史揚州總管

司功參軍每以方直自處府寮多不便之轉清陽令襄

城郡掾卒官所經並有惠政

隋書五十七 案薛瑯河東汾陰人具薛道衡傳

辛公義隴西狄道人仁壽元年充揚州道黜陟大使豫

章王暕恐其部內官寮犯法未入州境預令屬公義公

義答曰奉詔不敢有私及至揚州皆無所縱捨暕銜之

事修揚志

卷之四十三

官職一

十一

煬帝即位揚州長史王宏入爲黃門侍郎因言公義之

短竟去官吏人守闕訴冤相繼不絕

隋書七十三

張虔威字元敬清河東武城人與張衡俱見重晉耶稱

二張煬帝即位拜謁者大夫從幸江都以本官攝江都

贊治稱爲幹理于時帝數巡幸百姓疲弊虔威上封事

隋書六十六 案虔威北史作乾威贊治遊改作贊務

以諫自此見疎未幾卒官

舊志有馮慈明今詳事畧志又沈光乃煬帝從官非

宜於揚者今亦移入事畧又舊志引晏溪志云賀若

弼爲吳州總管與史萬歲韓擒虎同帥兵至海陵征

捕海寇八千人郡人立祠忠義河側考隋書無海陵

寇亂之事史萬歲亦未嘗與韓賀同將疑傳說之謬今姑存此俟考

唐

李襲警字茂實通敏有識度高祖定長安授太府少卿

累擢揚州大都督府長史揚州江吳大都督俗喜商賈

不事農襲警爲引雷陂水築句城塘溉田八百頃以盡

地利民多歸本召爲大府卿爲人嚴慤以威肅聞居家

儉厚於宗親祿稟隨多少散之以餘資寫書罷揚州書

遂數車載

新唐書九十一 案襲警金州安康人具李襲志傳

長孫操字元節檢校虔州刺史徙陝州以母喪解長老

事修揚志

卷之四十三

官職一

十二

守闕頌遺愛服除爲齊揚益三州刺史課皆最下詔褒

揚

新唐書一百五 案操河南洛陽人具后妃傳又案舊書本傳云貞觀中歷洛州刺史益揚二州都督府長史並有善政與此小異

李素立趙州高邑人武德初擢監察御史民犯法不及

死高祖欲殺之素立諫曰三尺法天下所共有一動搖

則人無以措手足方大業經始奈何輦轂下先棄刑書

乎帝嘉納由是恩顧特異貞觀中轉揚州大都督府司

馬

新唐書一百九十七

李君球齊州平陵人累遷揚州大都督府長史政尚嚴

肅人吏憚之盜賊屏跡高宗頻降書勞勉

舊唐書一百八十五

裴師德字宗仁鄭州原武人第進士調江都尉揚州長

史盧承業異之曰子台輔器也後封譙縣子卒贈幽州

都督師德深沈有度量為將相三十年恭勤樸忠心無

適莫以長者稱新唐書一百八

韋湊字彥宗京兆萬年人遷揚州法曹州人孟神爽罷

仁壽令豪縱數犯法交通賁戚吏莫敢繩湊按治杖殺

之遠近稱伏新唐書一百八

蘇瓌字昌容京兆武功人長安中累遷揚州大都督府

長史揚州地當衝要多富商大賈珠翠珍怪之產前長

史皆致之數萬瓌挺身而去舊唐書一百八

重修揚州志 卷之四十三 宦蹟一

韋安石京兆萬年人性持重少言笑為政清嚴所在人

吏咸畏憚之長安四年為揚州大都督府長史舊唐書九十二

韋虛心舉孝廉為官嚴整累遷兵部侍郎荆揚潞長史

兼採訪使所在官吏振肅威令甚舉中外以為標準舊唐書一百一

姚崇字元之陝州硤石人睿宗時為申州刺史再轉揚

州長史淮南按察使為政簡肅人吏立碑紀德後除太

子少保薨贈揚州大都督諡文獻舊唐書九十六

陸象先舉制科高第為揚州參軍累進同中書門下平

章事嘗曰天下本無事庸人擾之為煩耳第澄其源何

憂不簡耶故所至民吏懷之為戶部尚書母喪免起為

揚州大都督府長史新唐書一百十六 案象先蘇州吳人具陸元方傳

李傑相州滏陽人明敏有吏才甚得時譽以護橋陵作

引侍御王旭為判官旭貪冒傑將繩之而不得其實反

為所構山為衢州刺史轉揚州大都督府長史舊唐書一百

元行沖傳云四遷大理卿時揚州長史李傑為王旭所

陷部下大理結罪行沖以傑歷政清貞不宜枉為讒邪

王志愔博州聊城人為揚州大都督府長史充本道按

察使所在令行禁止姦猾屏迹境內肅然舊唐書一百

李尚隱其先出趙郡徙萬年尚隱性剛亮論議皆披心

重修揚州志 卷之四十三 宦蹟一

示誠處事分明御下不苛密累進戶部尚書更揚州刺

史新唐書一百三十

李愔并州文水人天寶初遷廣陵長史民為立祠賽祝

歲時不絕新唐書一百九十一

第五琦京兆長安人有吏才賀蘭進明遷北海太守奏

為錄事參軍令奏事至蜀中得謁見言兵之強弱在賦

賦所出江淮居多元宗即日拜監察御史勾當江淮租

庸使加山南等五道度支使遷司金郎中兼御史中丞

使如故於是創立鹽法百姓除租庸外無得橫賦人不

益稅而用以饒舊唐書一百二十三 案新書本傳云肅宗駐彭原進明令琦奏事此作至蜀

兄元宗據通鑑琦先入野見元宗授江淮租庸使後
夏至彭原見肅宗新書誤合為一事官階亦有小異
崔圓字有裕貝州武城人徙淮南節度使在鎮六年請

朝京師吏民乞留詔檢校尚書右僕射還之新唐書一
百四十

李華淮南節度使崔公頌德收碑云獻章請朝帝恩降
允公不獲建碑將碑老泣訴吏人遮道叩門請開

乞留者三
百餘人

李承趙郡高邑人充淮南節度使崔圓判官歷吏部郎
中尋為淮南西道黜陟使奏於楚州置常豐堰以禦海

湖屯田瘠鹵歲收十倍至今受其利承少有雅望以貞
廉才術見稱於時舊唐書一百十五 案承李俞子新
舊書皆同宋史河渠志作李承實與

化志又作李
承式並誤

李峴樂善下士少有吏幹以門蔭入仕所在皆著聲績
天寶十三載以京兆尹山為長沙太守時京師米麥踊

貴百姓謠曰欲得米粟賤無過追李峴其為政得人心
如此代宗即位知江淮選補使入為禮部尚書拜黃門

侍郎同中書門下平章事舊唐書一百十二 案
峴吳王恪孫具李恒傳

劉晏廣德二年領東都河南淮西江南東西轉運租庸
鹽鐵使晏即鹽利雇傭分吏督之隨江汴河渭所宜故

時轉運船由潤州陸運至揚子斗米費錢十九晏命囊
米而載以舟減錢十五由揚州距河陰斗米費錢百二

十晏為楸桴支江船二千艘每船受千斛十船為綱每

嘉慶重修揚州府志 卷之四十三 宦蹟一 五

綱三百人篙工五十自揚州遣將部送至河陰上三門
號上門填闕船米斗減錢九十調巴蜀襄漢麻桑竹篠

為綯挽舟以朽索腐材代薪物無棄者未十年人人習
河險歲轉粟百一十萬石無升斗溺者輕貨自揚子至

汴州每畝費錢二千二百減九百歲省十餘萬新唐書五
十三食貨志

正志云晏始於揚子造轉運船每一船被費千貫或議
其妄費晏曰大國不可以小道理凡所創造須謀經久

通於揚子解置十船場差專知官十人不數年間皆致
富贈凡五十餘年船無破敗運亦不闕絕受理鹽鐵

惟置官於出鹽之鄉取鹽戶所煮鹽鬻於商任其所之
不出鹽州縣不復置官日官多則民擾其始江淮鹽利

不過四十萬番季年六百餘萬緒末年更逾十倍而人
不厭苦古今稱善

理財獨歸晏云

杜佑字君卿京兆萬年人韋元甫徙淮南表置幕府入
為工部郎中充江淮青苗使盧杞當國以尚書右丞出

為淮南節度使決雷陂以廣灌溉斥海瀕棄地為田積
米至五十萬斛列營三十區士馬整飭四鄰畏之新唐書一
百六十六 又佑孫牧為牛僧孺淮南節度
府掌書記不護細行而文采可觀附錄於此

張延賞大厯時為淮南節度使歲旱民它遷吏禁之延
賞曰食者人恃以活拘此而斃不如適彼而生苟存吾

人何限為乃具舟遣之較吏為修室廬已逋債而歸者
更增於舊瓜步舟楫津渡而遙繫江南延賞請度屬揚

州自是行無稽壅新唐書一百二十七 案延
賞蒲州猗氏人具張嘉貞傳

嘉慶重修揚州府志 卷之四十三 宦蹟一 六

李吉甫字宏憲為淮南節度使居三歲奏獨通租數百

萬築富人固本二塘溉田且萬頃清泉庫下不能居水

乃築隄闕以防不足洩有餘名曰平津堰江淮早有司

不為請吉甫自以時救恤帝賜道使分遣賑貸吉甫雖

居外每朝廷得失輒以聞卒贈司空諡忠懿新唐書一百四十六

案吉甫趙人具李栖筠傳

孔戣方嚴有家法重然諾尚忠義李吉甫鎮揚州召為

賓佐舊唐書一百五十四案

崔戎字可大舉明經辟淮南李鄜府衛次公代鄜憲宗

稱戎才故次公倚成於職新唐書一百五十九案戎

重修補府志卷之四十三 宣讀一

衛次公字從周河東人弱冠舉進士以尚書左丞出為

淮南節度使檢校工部尚書兼揚州大都督府長史卒

贈太子少保次公自少入仕歷大僚節操趨尚始終如

一為鳳推重舊唐書一百五十九

李夷簡字易之鄭王元懿四世孫元和十三年為門下

侍郎同中書門下平章事李師道叛裴度當國帝倚以

平賊夷簡自謂才不能過度乃求外遷為淮南節度使

夷簡致位顯處以直自閑歷三鎮家無產貲世謂行已

能有終始者新唐書卷一百三十一

韋宏景京兆人李夷簡鎮淮南奏為副使賜金紫入為

京兆少尹宏景歷官行事始終以直道自立議論操持

無所阿附當時風教尤為倚賴自長慶以來目為名卿

舊唐書一百五十七

崔從太和四年拜檢校左僕射兼揚州大都督府長史

充淮南節度副大使知節度事揚州舊有貨麴之利資

產奴婢交易者皆有賈率羊有口算每歲收利以給用

從悉除之舊制官吏祿俸有布帛加估之給節度使獨

不在此例從至一例估折給之六年十月卒於鎮舊唐書一百七十七案舊書崔慎由傳云清河武城人父從新

書崔融傳云齊州全節人曾孫從字子又當更遷徙故

有不同又案新書云官更俸帛常加倍以給獨節度

使則否從皆與之同太和六年卒下有割股肉以祭者

加倍字疑有誤

李德裕字文饒趙郡人所歷征鎮以政績聞開成二年

授揚州大都督府長史淮南節度副大使知節度事五

年授門下侍郎同平章事舊唐書一百七十四

李紳字公垂潤州人為宣武節度使蝗不入境武宗即

位徙淮南召拜中書侍郎同平章事進右僕射門下侍

郎四年復節度淮南卒諡文肅紳以文藝節操見用而

屢為怨仇所報劄卒能自伸其才以名位終新唐書一百八十一

杜棕字永裕會昌初為淮南節度使武宗詔揚州監軍

取倡家女進禁中監軍請棕同選又欲閱良家有姿相

者惊曰吾不奉詔而輒與罪也監軍怒表於帝帝以惊

有大臣體乃詔罷所進伎新唐書一百六十六案惊杜佑孫舊志引南畿志作佑

子誤又案新書云惊復鎮淮南荒

李讓夷字達心系本隴西宣宗立拜淮南節度使卒贈

司徒讓夷廉介不妄交位雖顯劇以儉約自將為世咨

美新唐書一百八十一

李珣字待價其先出趙郡客居淮陰為檢校尚書右僕

射淮南節度使江淮旱發倉廩賑流民以軍儲羨殺半

價與人卒贈司空疾亟官屬見臥內惟以州有稅酒直

而神策軍常為豪商占利方論奏未見報為恨一不及

重修揚州府志

卷之四十三

宣貞一

尤

家事性寡欲門無餽餉淮南人德之叩闕願立碑刻其

遺愛新唐書一百八十二

崔鉉字台碩宣宗時為淮南節度使帝餞太液亭賜詩

寵之居九年條教一下無復改民以順賴新唐書一百六十六案鉉

博州人具

崔元畧傳

康令失其名咸通中為江陽令時大旱令以身代犧牲

赴水死天即大雨民悲懷之為立康令祠雍正志事見新書地理志

李蔚字茂休隴西人咸通十四年轉揚州大都督府長

史淮南節度副大使知節度事乾符三年受代百姓詣

闕乞畱一年從之舊唐書一百七十八

高勗舒城人楊行密起淮南辟掌書記時軍興事繁用

度不足行密欲以茶鹽易民布帛勗諫曰兵火之餘十

室九空又漁利以困之將復離叛不若盡我所有易鄰

道所無足以給軍選賢守令勸課農桑數年之間倉廩

自實太祖從之田頔聞之曰仁人之言其利溥矣事見十國春秋

五代

舊志有杜亞唐書譏其奢縱虛誕今刪惟地理志載

引陂溉田一節已詳河渠志又杜牧今附杜佑下

五代

向拱字星民懷州河內人周顯德二年世宗親征淮南

重修揚州府志

卷之四十三

宣貞一

辛

召赴行在拜淮南節度使時周師久駐淮揚都將趙晁

等驕恣橫暴至有劫人妻女者拱至戮不奉法數輩軍

中肅然周師圍壽春經年未下江淮草寇充斥吳援兵

柵於紫金山與城中烽火相應而舒贛和泰復為吳人

所據拱上言欲且徙揚州之師併力攻壽春侯城下改

圖進取世宗從之拱乃封庫付揚州主者復遣牙將分

部按巡城中秋毫無犯軍民咸悅及師行吳人有負糗

糧以送者宋史二百五十五案拱初名訓五代史作向訓

朱昂字舉之其先京兆人後徙衡山周世宗南征韓令

坤統兵至揚州昂謁見陳治亂方畧令坤奇之署權知